

tatique gentis Illustrissimæ intervit , ut bullæ illius Pontificiæ in hoc opere locus concedatur , præsertim cum Titulus *Nobilis Viri & Nobilis Mulieris* Johanni Eberstorffio , & Gertrudi Stahrenbergiæ ibi datus, non nisi Illustrioribus Familiis etiam Principum Dignitate fulgentibus à summis Pontificibus tribui soleat. Est autem hujus tenoris: *Eugenius Episcopus Servus Servorum DEI Venerabili fratri Episcopo Pataviensi salutem & Apostolicam benedictionem , sincera devotionis affectus , quem dilectus filius Nobilis Vir Johannes de Eberstorff Baro , & Supremus Camerarius Ducatus Austriæ, ac dilecta in Christo filia Nobilis mulier Gertrudis de Stahrenberg Baronilla Tuæ Diœcesis ad Nos & Romanam gerunt Ecclesiam non indignè promeretur ut votis eorum, præsertim quibus pacem & tranquillitatem inter Christi fideles confoveri pie adoptare videntur , quantum cum DEO possumus favorabiliter annuamus , sane pro parte dictorum Johannis , & Gertrudis nobis nuper exhibita petitio continebat : Ipsi quorum ditioni temporali plurima Castra , villa & utriusque sexus homines subsunt aliquorum suorum parentum & amicorum nec non Magnatum , & Nobilium partium illarum consiliis & deliberationibus inhaerent , & ut etiam inter eosdem Parentes amicos & homines pax & tranquillitas exuberent atque solidentur, nec non inconvenientiis , quæ alias inibi verisimiliter emergere possent , via præcludatur , desiderent invicem matrimonialiter copulari. Cum autem iidem Johannes & Gertrudis obsistente secundi gradus affinitatis, ex eo videlicet provenientes , cum quondam Barbara Baronilla ejusdem Johannis Uxor dictæ Gertrudi collateraliter secundo consanguinitatis gradu conjuncta fuerat, impedimento, hoc eorum desiderium sine sedis Apostolicæ dispensationis suffragio nequeant adimplere , pro parte ipsorum nobis fuit humiliter supplicatum, ut super his-eis opportunè providere de benignitate Apostolica dignaremur. Nos igitur qui inter Christi fideles quoslibet potissimè generis Nobilitate pollentes pacem & tranquillitatem confoveri firmariquè propensius affectamus , ex præmissis & certis aliis nobis expositis causis horum supplicationibus inclinati Fraternalitati tuæ, de qua in his & aliis specialem in Domino fiduciam obtinemus, per Apostolica scripta mandamus , quatenus si est ita dictaque Gertrudis propter hoc raptâ non fuit cum iisdem Johanne & Gertrude , ut impedimento non obstante præmissis matrimonio inter se liberè contrahere , & in illo postquam contractum fuerit , remanere licitè valeant, Apostolica auctoritate dispenses , prolem ex horum matrimonio suscipiendam legitimam nunciando. datum Bononiæ Anno incarnationis*

nis